

5- الفردانية - تأملات في سورة الحجرات

أحمد سمير

بسم الله الحمد لله والصلوة والسلام على رسول الله وعلى آله وصحبه ومن والاه وشهاد ان لا الله الا الله وحده لا شريك له وشهاد ان
محمد عبد ورسوله اللهم صل على سيدنا محمد النبي وازواجه امهات المؤمنين وذراته والبيت - 00:00:03
كما صليت على آل ابراهيم انك حميد مجید. اما بعد اه المجلس الخامس من مدارس تدبر سورة الحجرات ووصلنا الى قول الله عز
وجل وان طائفتان من المؤمنين اقتتلوا فاصلحوا بينهما - 00:00:19

فان بعث احداهما على الاخر فقاتلوا التي تبغي حتى تفيفي الى امر الله فان فائت فاصلحوا بينهما بالعدل واقاسطوا ان الله يحب
المقسطين انما المؤمنون اخوه واصلحوا بين اخويكم واتقوا الله لعلكم ترحمون - 00:00:33
آ يعني مش عارف بقى هنلحق ندخل على اللي بعديها ولا لا فخلونا نبتدى على طول هذه الایات قبل ما ندخل نتدبر في الایات هي
بتعالج آ قضية في غاية الالهمة - 00:00:52

والقضية دي يعني منتشرة او انتشرت واستفحلت في العصور الاخيرة التي نحياتها. هي قضية الفردانية الفردانية دي قضية كبيرة
بيدرسها علماء الاجتماع آ وهي مستفحلة في هذه العصور. ايه الفردانية؟ باختصار - 00:01:05
الفردانية اللي هي الانا. اني انا المقدم انا نسعى لمصلحة نفسي انا مش هعمل حاجة غير اللي على مزاجي اللي على هوايا ده باختصار
الفردانية من تبعات الفردانية التفكك المجتمعي بقى. وعشان كانوا بيدرسوا الفردانية اليومين دول. وما اعرفش حد منكم سمع
المصطلح ده ولا لا قبل كده - 00:01:29

منتشر يعني علماء الاجتماع بيدرسوا ماشي اللي هو ان الواحد يحيى لنفسه هتقابوا من مظاهر مسلا الفردانية ان ما فيش ترابط آآ
اسري حاصل يلاقوا عارفين الشباب الصغير اللي بيسموه الجينزي والجين الفا. اللي هو ايه - 00:01:58
مواليد الالافينات ومواليد او اخر التسعينات والناس دي ما تلاقيش عندهم انتماء اسري ما فيش ترابط اسري ما فيش انتماء من
المظاهر ان ما فيش قضية كبرى بيحيى لها هذا الجيل - 00:02:20

ما فيش يعني ايه قضيتك اللي انت بتحيا من اجلها؟ ما فيش طب هو بيحيى عشان ايه؟ عشان مصلحة نفسه وحتى تلاقوا يا
جماعة هذه المصطلحات التي صيفت مؤخرا حتى في العلوم بقى الحديثة اللييف كوتشنينج والمتش عارف الحاجات الحلوة اللي انت
تعرفوها دي. تلاقتها كلها متمحورة حول الذات - 00:02:37

قدر نفسك مش عارف احترم ذاتك. آانت تقدر آ استثناء الحاجات الایه المصالحات اللي كلها في الآخر هي متمحورة حول الذات ما
فيش قضية كبيرة انت عايش عشانها ما فيش وقت انت ذاتك او الانا بتاعتك دي بتذوب في مجموعة - 00:03:01
ولو حدث فهو ظرف استثنائي اول ما يتشارل من عليك المؤثرات بترجع تاني لايه؟ للانا للفردانية انا عايش عشان نفسي هتقابلي عادي
جدا الشاب او الفتاة الطبيعي بتاعها ولا بتاعها ان هو في اوضته قفل على نفسه الباب - 00:03:25
ليه ما هو انا عايش لنفسي طيب الاب عاوز حاجة الام محتاجة حاجة هو مش بتاع كده يا جماعة في كثير من مشاكل الزوجية اللي
بتحصل للشباب الصغير عشان كده لان هو - 00:03:43

هو خلاص هو اتربي على الفردانية والسوشيال ميديا والفيسبوك هو عزز ده جدا عندنا بقى كل واحد له له عالمه الخاص الذي آآ
صنعه هو. قلنا لكم قبل كده المشكلة في الواقع الافتراضي ده ايه - 00:03:57
انه ما فهو تحديات والحياة مش بالبساطة دي الحياة مليانة تعقيدات وتحديات لازم تواجهها وتعرف تتعامل معها الواقع

الافتراضي مش كده ليه؟ لأن الواقع الافتراضي انت من صاغه فيبساطة انت - 00:04:13

الدوس فولو او لايك للصفحة اللي تحليلاتها بتوافق هواك اللي الاخبار اللي بتتنقلها بشكل يواافق قناعاتك بغض النظر هو دي الحقيقة ولا مش الحقيقة؟ بس انا عاوز لما اقرا الخبر - 00:04:33

يوصل لي بشكل معين فبتعمل فولو دي وما تعملش فولول دي طيب جه واحد زهر لك بقى تحدي كده وانت في نص العالم
الافتراضي بتاعك زهر لك تحدي ان واحد مزعج - 00:04:54

بضغط الزرار تحجبه في الدنيا مش موجود فطبيعي جدا ان احنا نهرب للواقع الافتراضي لانه ايه واقع انا اللي عامله الواقع ده اول ما بدخل فيه بلاقي كل حاجة تبسط - 00:05:05

واي مزعج مش موجود. اي شيء مزعج لي مش موجود ولو وجد ما اسهل ان انا ايه بتخلص منه الحياة الطبيعية مش كده الحياة الطبيعية مليانة تحديات. ومليانة مواجهات والمواجهات دي يعني مش مش صدامات مواجهات يعني ازاي اعرف اتعامل - 00:05:22

لذلك طلع جيل فاقد لحنة التعاملات دي فاقدتها كده جيل الشباب هيتقابلو خمسة ستة عشرة عشرين بعد اول خمس دقائق من المقابلة. كل واحد قاعد على الواقع الافتراضي بتاعه انا هنا مش بكلمك دلوقتي بقى في ايه - 00:05:42

بكلمك في بيت واجيال مختلفة ودماغات مش لاقية بعض لأننا بتكلم اهو اصحاب في بعض هيقدعوا مع بعض خمس دقائق عشر دقائق ونص ايا كان يعني. بس في الآخر اخر القعدة بتقلب لايه - 00:06:05

كل واحد رجع للواقع الافتراضي بتاعه شيء عجيب كل ده بيتعذر الفردانية انا عايش عشان نفسي طيب ابوك عاوز ما هو انا نفسي انا او لا كان لي صديقي كان له كلمة كده يعني ايه ظريفة كان يقول لك ايه مصلحتي ثم مصلحتي ثم مصلحتي - 00:06:18

ثم مصلحة الاخرين ان كانت تؤدي الى مصلحتي يعني انا انا انا والطوفان من بعدي. عشان كده يا جماعة اغاني المهرجانات محمد رمضان ليه انتشرت في الجيل ده حتى بقى ايه على مستوى الليفلات ليه؟ كلها - 00:06:42

كلماتها تدور حول اانا اانا سوبر مان. اانا الجدع. اانا فانت من انت بدون ما تشعر هو ده اللي انت بتتربي عليه اصلا الفردانية اللي هو اانا منعزل عن المجتمع اانا ما بحبش غير نفسي - 00:07:01

فدي هذه الظاهرة ايه رأيكم حلوة ولا وحشة يعني نحاربها ولا نسمح بها ولا ايه؟ ايه رأيكم الحقيقة يا جماعة يعني لو دخلنا شوية في تحليل هذه الظاهرة فنجد ان الاسلام جاء - 00:07:20

يتعامل مع تلك الظاهرة لو ان شئت فقل الله عز وجل خلق بداخلنا معنى الفردانية ده اه موجود فيماينا يعني هو ما كانش موجود وبقى موجود لا هو موجود حب النفس ده موجود - 00:07:39

وموجود لدرجات عالية وعند الاوليات لا يؤمن احدكم حتى اكون احب اليه من والده ووالده والناس اجمعين ماذا قال عمر الولي لانت يا رسول الله احب الي من كل شيء الا من نفسي - 00:07:56

قال لا يا عمر قال لانت احب الي من نفسك؟ قال الان يا عمر يعني ما دون النبي صلى الله عليه وسلم يعني عمر هنا صادق مع نفسى يعني عمر رضي الله عنه صادق انا اه انت احب لي احب واحد لي بس لأننا نفسى في حلة لوحدها - 00:08:16

قال له لأننا ما ينفعش كده حب النبي عليه الصلاة والسلام ما ينفعش لازم يقدم صلى الله عليه وسلم قال لانت احب الي من نفسى بيقى معنى كده من دون النبي صلى الله عليه وسلم - 00:08:31

عمر بيحب نفسه اكتر ولا من دون النبي صلى الله عليه وسلم نفسه مش كده فالفردانية موجودة فيماينا؟ اه موجودة. انك تحب نفسك دي موجودة اه موجودة بيقى الاسلام احنا مش جايدين نحارب الفردانية يا جماعة. مش جايدين نحاربها. لكن جايدين نوجه الفردانية - 00:08:45

بل ان شئت فقل فقل معظم احكام الشرع اصلا تدندن حول الفردانية شفتم المفاجأة اي حكم شرعي اقول لك لو عملت كذا لك الجنة اانا كده باللعب على ايه عندك؟ الفردانية - 00:09:02

ان انت عاوز الخير لنفسك فبقول لك طيب يعمل كذا هدخلك الجنة فتقوم عامل كذا عشان تنجو بنفسك شايفين معنى الفردانية هنا

انا بحب نفسي فعاوز انجو بها يوم القيمة - 00:09:23

طيب لو عملت كده هتخش النار تترك كذا ليه علشان انا خايف على نفسي شاييفين معنى الفردانية هنا في الدين شكله ايه يبقى احنا
جه الدين الله عز وجل وضع فينا شهوة حب النفس - 00:09:38

زي اي شهوة يا جماعة زي اي شهوة في شهوة حب المال. في شهوة حب النساء. في كل شهوة من دي ركبت فينا لفائدة ويأتي الشرع
ليهذب تلك الشهوة ليتعامل مع تلك الشهوة ليقتن تلك الشهوة - 00:09:54

لتتحكم في تلك الشهوة كذلك شهوة حب النفس ما هياش يعني لا تزم باطلاق حتى يا جماعة حتى النصوص الشرعية اللي ظاهرها
ذم الفردانية تجد ان الرب سبحانه وتعالى في تلك النصوص الشرعية - 00:10:11

يحفزك بالفردانية لا يؤمن احدكم حتى يحب لأخيه ما يحب لنفسه ايهرأيكم النص ده كده ظاهره يدعو للفردانية ولا لأعكس
الفرضية تماما لما اراد النبي صلى الله عليه وسلم ان يحفزك - 00:10:35

ان تحب لأخيك ما تحب لنفسك. حفزك بايه بالفردانية ازاي لن تكون مؤمنا حتى تحب لأخيك ما تحب لنفسك. وانت رايج تجاهد
نفسك انك تحب لأخيك ما تحب لنفسك ليه - 00:10:53

علشان تتصرف انت بالايام المفهومة دي طيب بان يهدي الله بك رجلا واحدا خير لك من حمر لان يهدي الله بك رجلا واحدا خير لك
من حمر النعم دلوقتي الفردانية تدعوا لايه - 00:11:07

اللي يعمل حاجة يعملها انا ايه اللي انا اوجع دماغي ليه انا المهم مزاجي انا قاعد مش عارف ايه فاييه لا بدوع الى الله ولا شايل قضية
ولا عندي رسالة في الدنيا ومقضيتها كده. حتى يا جماعة - 00:11:26

هنيجي دلوقتي ان في انماط دين هو نشا علشان يعني نشا تحت مسمى الفردانية يعني فكرة ان ايه انا راجل بصوم واصلی وبنات
وبعددين ايه طب ايه قضيتك ما فيش قضية طب ايه رسالتك ما فيش رسالة؟ طب انت عايش ليه انا كده - 00:11:36
يعني حتى انماط الدين بقى ظهر منها النمط الفرداني انا مع نفسي وبنرجع للحاديس ان يهدي الله بك رجلا واحدا خير لك
من حمر النعم. معنى كده انك هتعمل ايه - 00:11:55

هتنزل من فرضياتك علشان تخلط الناس وتدعونا وتحمل اذاهم علشان تأتي بغيرك تدخله في حظيرة الايمان هنا معنى الفردانية
بيتلashi اهو بيذوب حفزك بايه بشهوة الفردانية خير لك من حمر النعم - 00:12:11

يعني خير لك من نفاس الانعام انها تكون لك وتنفقها في سبيل الله فثبات على ذلك. يعني لك ثواب كبير من الآخر يعني لك ثواب
كبير او اي لو انت عملت ده - 00:12:34

فتحى النصوص الشرعية التي تدعونا الى نبذ الفردانية آآ حفزنها الشرع اليها شهوة الفردانية طب ايه ده لا انا متلخبط هي ما فيهاش
لخطبة ولا حاجة. هديكم مسال يا جماعة عشان نفهم القضية دي - 00:12:45

عشان نعرف ان احنا اصلا اللي بيحركنا في الدنيا وده العلماء ذكروه في الكتب ان اي حركة لنا في الدنيا اما الجلب مصلحة او دفع
مفيدة. هي حركاتنا عشان كده اصلا في الدنيا. والكلام ده قلناه هنا قبل كده - 00:13:06

عارفين لما اه مثلا اتنين مسلا موظفين في شركة خلاص وبينهم تحاسد لان في مسلا ايه وظيفة شاغرة فواحد بس اللي هيترقى.
الدنيا مكهرية احنا كل يوم الاتنين يلطشو في بعض - 00:13:19

وده يزعق في ده وده يقل ادبه على ده وده يقل على ده. ليه؟ الفرقنة انا راح جاي المدير مركب كاميلا المكتب
ماشي فواحد من الاتنين عرف ان ايه المدير ركب كاميلا الثاني ما عرفش - 00:13:40

تاني يوم الاتنين هيدخلوا اللي عرف ده هيعمل ايه يقول له الله يسامحك انا راجل محترم ومش هرد عليك كده ليه عمل كده بيدافع
الايه؟ الفردانية برضه هو الاول كان دافعه الفردانية - 00:13:58

انت ما تعلوش علي انت بتتنطط علي ليه انا طب الموقف الساني منه برضو بدافع الفردانية برضو بس ليه؟ لان المدير بيراقب
ولما المدير يشوفني على تلك الاخلاق التي يحبها - 00:14:16

اكون اذا ذو الحظوة وانا المقدم ومش كده فبرضو بدافع الفردانية هيترك ما كان يفعله اولا هو ده الشرع هو ده الشرع فهمنا
القصة دي بيقى الشرع بيقول لك ايه؟ بدافع الفردانية مش انت بتتحب نفسك؟ اه بحب نفسي - 00:14:32

اقول لك اترك حظ نفسك في الدنيا لتتال نفسك ثواب الآخرة هتقوم عامل ايه؟ هتترك حظ نفسك في الدنيا على طول السكن مسال
الكاميرا اللي اتركت دي والمدير اللي بيبص عليك فهتلaci نفسك تاني بتترك حظ نفسك العاجل ليه؟ لأنك ترجو - 00:14:53
خيرا اكتر واكبر في الاجل اللي هو الترقية بقى. اللي هو الحظوظ عند المدير العلاوة هتلaci نفسك هتعمل ايه؟ باترك حظ نفسي
خلاص العاجل ده اللي هو لو ما كانتش الكاميرا اهو كنت فرمته. انما فيه كاميرا - 00:15:16

في ربنا مطلع شهيد رقيب سميع بصير وفيه جنة وفيه نار وفيه اخرة كل دي كل الحاجات دي محفزات اه للفردانية ان انت تشتبغل
على الفردانية بتاعتك بما نتلاشى معه ظواهر الفردانية في الدنيا - 00:15:32

ما هو احنا بقى لما نيجي نقول لك يلا بقى اشتغل. هتلaci نفسك بتعمل ايه؟ بتذوب في الجماعة قضية كبيرة بتشتغل عشانها اهلك
رسالة ما بتنامش عشان تأديها هتخرج من معنى الفردانية الانانية - 00:15:56
الانا في الدنيا وتوجه التوجيه الصحيح الاخرة انا عاوز اخرة طب يا ابني عشان تبقى بتاع اخرة هنقول لك اترك راحة نفسك في
الدنيا اترك الانتصار لنفسك في الدنيا. هتركه - 00:16:10

واحنا كله ضد الفردانية كل الحاجات اللي عمالين نقولها دي ضد الفردانية اللي احنا متربين عليها اصلا الناس بتترك كل حاجة اتعب
نفسك هتتعبعها عيش لغيرك هعيش كل ده ليه - 00:16:30
عشان نفسي عشان نفسي عشان يوم القيمة ادخل الجنة عشان ربنا سبحانه وتعالى يطلع علي فيرضي عنى
فهمتم يا جماعة فكرة توجيه الشهوة الفكره دي فكرة كبيرة في الشرع - 00:16:47

فكرة كبيرة في الشرع والعلماء اللي بيتكلموا عن اسرار العبادات واسرار الاحكام تكلموا عنها حتى لو مش مسألة الفرضية لكن في
غيرها تكلموا عنها ويمكن احنا ضربنا لكم مثال هنا - 00:17:06
في مسألة الشهوة اللي معكنته الشباب دلوقتي طب هو ليه بقى فيه شهوة اصلا انه ما فيش شهوة هيقطع النسل اللي قلنا لكم قبل
كده العوره كلمة عوره في اللغة - 00:17:18

ما يستقبح في النظر انت فاهمين يعني ايه يعني عوره النبي ادم ده شيء اقرف تبع له ايه ده! او مال ازاي ده بيحصل من تركيب
الشهوة فيك ولو لا الشهوة تعرف تبع للعوره - 00:17:30

الشهوة لها وظيفة لذلك خلقها الله عز وجل فيبني ادم اللي علينا بقى نفنن هزه الشهوة ونعرف ازاي نوجه الشهوة توجيها صحيحا
يعود علينا بالنفع في الآخرة حتى ان - 00:17:53

الاسلام احنا كله بنتكلم ايه؟ ان الفردانية توجيه الفرداني الصحيح هو فردانية الآخرة وده هيعد علينا بايه في الدنيا؟ ان هتلاشى
مازاهر الفردانية. وياب جماعة بلاش موضوع الفردانية ده مش دايما كوييس - 00:18:11

مش دايما كوييس انت عارفين في الستينيات كان ايه الاتجاه السياسي اللي مسيطر اشتراكية مش كده؟ الشركية بقى واليسارية
والجاجات دي دايما بتندن حوالين الایه اه الجماعة بيقول لك الرفيق ومصلحة الجماعة وبيذوب الفرض في الجماعة - 00:18:28
وكانوا متتصورين ان ده ممكن يحدث هو يحدس بقدر طبعا يحدس بقدر انما فكرة ان الانسان انت عاوز يتخللى عن الفردانية ده واحد
مش عارف طبيعة بشر ولذلك نكتشف بقى في ايه في كبار اليساريين بعد كده انه استخدم منصبه ولا سلطته في تحصيل مال -
00:18:47

علاقات مشبوهة في يعني الفردانية حاضرة اهي اي حد بيقدر يشتغل على الفرضية بيروح على طول يشتغل على الفردانية. ما هو
مش هتعرف مش هتتعرف تلاشي الفردانية دي انما الفردانية استفحلت - 00:19:07
في العصر الرأسمالي اللي احنا عايشينه ده يا جماعة ده حتى الدول حتى الحكومات يعني ممكن واحد عنده مؤسسة كبيرة هو
مش هامه حاجة في الدنيا غير ان انا اكسب. طب انت مكسبك ده هي Democr دول تتندمر - 00:19:26

مش قضيتي المهم اكسب هو ده على فكرة ده شعار المرحلة دي عندنا في الماجستير دكتور آآ يعني لفة الكوكب ومستشارة فين دكتورها كبيرة تمانين سنة ولا حاجة يعني مستشارة للمؤسسات وكيانات ضخمة في العالم - [00:19:42](#)

فكانت تقول لنا ان في شعار للمرحلة يعني الشركات الكبرى عارفاه اجني اموال على قد ما تقدر يعني على قد ما تقدر اكسب فلوس [00:20:11](#)

بايه باي حاجة وممكن نوصل عشان اكسب فلوس انا هرمي اطنان من القمح في المحيط - [00:20:31](#)

ليه؟ عشان بحافظ على سعر القمح طب ده انت بس فردة كعب انت في شعوب بتموت مجاعات مش قضيتي في قضية تانية انا عاوز اكسب حكومة كيان كبير شركة كبيرة - [00:20:48](#)

انا هنا بكلم مين بقى دلوقتي اسيبكم بقى من العالم والكوكب انا بكلم الناس المتدينة حضرتك لما بتبقى صاحب شركة بتلاقي التفكير ده مسيطر بلاش العلاقات الزوجية بين الزوج والزوجة بالذات في الاجيال الجديدة - [00:21:04](#)

كتير من الازمات ان احنا مش عارفين مش عارفين ان اللي قدمامي له حقوق زي ما انا لي حقوق. هو كل واحد شايف نفسه محور الكون محور الكون انا وانا بقى تدوروا في فلكي. طب والمرأة برضو انا ودور في فلكي - [00:21:23](#)

انا عاوز اللي يراضيني وهي عاوزة اللي يراضيها فتحصل الكلاشات هنا مش متعددين مش متعددين ان احنا بنتعامل مع بشر بتحديات البشر بالتنازل لحقوق البشر. واني ممكن انزل شوية عشان اللي مش متعددين على ده - [00:21:38](#)

الشركات اللي بتتنفس بين الناس المتدينة الناس بتاعة ربنا وتحصل قطيعة يشوفوا بعض ما يسلموش على بعض على ايه دنيا تنفس شركة وتترفع قواطي وممكن نشهد زور انا ما بكلمش الناس الفسقة اللي ما بتصليش انا بكلم الناس المتدينة - [00:22:06](#)

ده كله في اوساط الناس اللي المفروض انها متدينة طب تعال قل له انزل عن حقك شوية ايه المشكلة انا اللي اكسب انا اللي اعمل يا جماعة اللي انا باحكيه ده كله انا عندي امثلة واقعية بمشاكل نخش فيها - [00:22:30](#)

ناس تقيم شركة مع بعض ابتدئ الشركة تتجه وتكتسب بيحلو في عين واحد منهم يلعبها صولو بقية الشركاء في داهية طب اللي احنا بنتكلم عليهم دول مين ؟ دي ناس متدينة. وخاتمة المصحف - [00:22:49](#)

ويمكن الشركة بتاعتتهم اصلا شركة شرعية يعني قائمة على ثغر من ثغور الدين يلعبها سولو ليه انا عاوز اكبر مكتب وتيجي ناس تشتكى جاء الاسلام مش عاوز بقى استخدم لفظ ليحارب غلط هو مش احنا مش بنحارب الفردانية - [00:23:16](#)

الفردانية شهوة حب نفسك شهوة يقين تلك الشهوة يحجم تلك الشهوة ويصرف تلك الشهوة في الاتجاه الصحيح. حتى ان في وقت من الاوقات هتلاقي الشرع يأمرك بمظاهر الفردانية في الدنيا - [00:23:36](#)

امتنى وقت الفتنة مش كده؟ مش احنا عمالين نقول لكم ايه؟ لأن يهدي الله ويكره لك من حمر النعم. وبعددين كمثل قوم ركبوا سفينه فاستهموا عليها فكان اصاب بعضهم اسفلا وبعضهم اعلاها - [00:23:51](#)

والناس بقى اللي تحت عازين نشرب المية طب يلا نخرم خرم كلنا نعرف مش عاوز اقول حديس عشان عارفيه بقى ان هم تركوه هلكوا وهلكوا جميعا. هنا تهديد بالفردانية اهي - [00:24:01](#)

يعني رح انكر المنكر ليه ؟ اصل السفينة لو غرفت انت هتموت ما تلاقي نفسك على طول بتتذكر بتتذكر المنكر. ليه عشان ما متتش عشان ما ضعش اهو الدافع الفردانية - [00:24:16](#)

هنيجي في وقت من الاوقات اهو بقى ده مظهر ايه؟ مظهر اجتماعي اهو احنا بنجتمع احنا بنتعامل مع بعض باروح انكر منكر واصبر على الاذى وكذا. ده ضد الفرضانية هنيجي في وقت نقول لك ايه بقى - [00:24:29](#)

سيبيك من كل الناس وخد لك غنميه كده ويطلع بها ساعة في الجبال وعش لوحدك ايه ده! المنكر سب المنكر الناس ما لكش دعوه بالناس وقت الفتنة يوشك ان يكون - [00:24:53](#)

خير ما للمسلم غنم يتبع بها او يتبع بها شعث الجبال يفر بدينه من الفتنة هنا الظاهر اهو او قمة الفردانية مش كده طب الناس الناس بتهلوك الناس عاوزة اللي يدعوها الناس عاوزة اللي مش عارف ايه اهرب - [00:24:53](#)

دينك اهم دينك اهم. بقى يا جماعة الفردانية شهوة محتاجين نعرف امتنى نوجهها صح. لأن الكلام عكس بقى الكلام ده ان يحصل ايه

ان حضرتك تلاقي نفسك حطيت نفسك في مستنقع - 00:25:14

انت اللي تفتن فيه بيدافع ايه محاربة الفردانية بيقول لك احنا مش جايين نحارب اصلا فردا. مين قال لك ان احنا جايين نحارب فرضانية بالعكس احنا عازين نعزز بداخلك الفردانية - 00:25:32

لكن توجيهها ازاي زي ما قلنا بقى الایات اللي معنا بقى من اول هنا لغاية خمس ست ايات قدام ايات بتتبهنا على المسألة المستفحلة في الاجيال الصغيرة دلوقتي موجودة بقدر طبعا في الكبار لكن مش زي الاجيال الصغيرة - 00:25:48
اللي هي اتربت على رأس مالية الصرف المهم انا مسألة الفردانية تلاقي ربنا يقول ايه؟ وان طائفتين من المؤمنين اقتتلوا فكك منهم وايه خليك في نفسك وامشي من الشارع الثاني - 00:26:07

يقول لك لأ ما هي مش كده. خلوا يا جماعة الخطاب هنا مش لولي الامر بس مش للحاكم بس لأ الخطاب لكل المؤمنين يعني في وقت من الاوقات هيبي في خطاب موجه لك انك تزور تصلح بين طائفتين. الاول يا جماعة عشان بقى نمسك الاية حللها ونمسي وان طائفة ولا اذا طائفة - 00:26:20

ايه الفرق بينه وبين ان واذا حد يعرف ماشي يعني ماشي ايه ها ايه ما راح يصير والله ما قصرت ما راح يصير ان ما راح يصير صح كده يعني مش مراح يسير او اي - 00:26:38

يعني اه هو ايه بقى؟ ايه الفرق بين انه واذا؟ اذا بتنقال اذا تحقق وقوع هذا الامر او غالب على الظن وقوع الامر ده. فنستخدم له ازا اذا تتحققنا وتيقنا وقوعه يعني هيحصل نقول له ايه ده - 00:27:06

لو ان نسبة ان الامر ده يحصل قليلة نستخدم له ان فمسلا نقول ايه اذا الشمس كورت واذا النجوم اندرت واذا الجبال سيرت احنا ده احنا في شك ممكن يحصل وممكن ما يحصلش - 00:27:23

ولا ده يقينا هيحصل يقينا هيحصل. مش كده وان جنحوا للسلم فاجنح لها وتوكل على الله مش غالب الظن ان في الحروب آآ بيبيقى في ذهن الجيش المعادي انه يجنج للسلم. ده مش غالب الظن - 00:27:40

ممك يحصل ممكن لكن نسبته قد ايه مش اه ضعيفة وان جنحوا للسلم فجنج لها وتوكل على الله خلاص فهمنا دي تعالوا بقى ناخد تطبيق عملي كده على اية في القرآن عشان تعرفوا اجرامبني اسرائيل - 00:27:59

قال الله عز وجل فاذا جاءتهم الحسنة قالوا لنا هذه وان تصبهم سيئة يتظيروا بموسى ومن معه؟ طبعا عبدالقاهر الجرجاني رحمه الله له كده ايه يعني آآ مذهب في موضوع الاعجاز انه ايه - 00:28:14

لو حد عارف ايه مذهب في في الاعجاز اعجز القرآن حد يعرف النظم ماشي ابقو اقرروا عليه بقى. المهم جاب الاية دي مسال وقعد بقى يفصل الاية دي اول حاجة ان وايفا - 00:28:36

واذا فاذا جاءتهم الحسنة قالوا لنا هذه وان تصبهم سيئة يتظيروا بموسى ومن معه يعني كده اول ما تقرأ الاية تعرف ان الحسنة بتجي لهم كثير ولا شوية صغيرين لدرجة انه خلاص ازا يعني هم متيقنين ان الحسنة هنا يعني الحال الطيبة الحسنة - 00:28:52

وفكرة ان يصيبحهم مكروه ده نادر جدا لدرجة ان استخدم ربنا سبحانه وتعالى معه ايه وان فهمتوا الفرق بين هنا طيب تعالوا نكمل الاهلي لأن جميلة الاية دي الحقيقة فاذا جاءتهم - 00:29:11

بالفعل الماضي فاذا جاءتهم الحسنة قالوا لنا هذه وان تصبهم مضارع الفعل الماضي يفيد الایه؟ التتحقق اذا جاء نصر الله والفتح. هو النصر كان جه ولا لسه ما جاش ما جاش - 00:29:25

مش كده لكن ربنا ليه؟ اذا جاء. اذا الشمس كورت هي الشمس كورت لسه ولا يوم القيمة؟ فجات الفعل الماضي مع الحسنة والفعل المضارع مع السيئة وبعددين فاذا جاءتهم الحسنة معرفة بالالف واللام - 00:29:42

وان تصبهم سيئة منكرة وكأن الحسنة معروفة لهم. الحال الحسنة الطيبة معروفة عرفت والحالة السيئة كأنها مجهولة بالنسبة لهم. مش عارفينها ايه هي فاهمين المهم اذا وان كده طيب ساعات بقى القرآن تعالوا بقى نرجع للایة اللي معنا. يستخدم ان في غير موضعها - 00:29:59

يعني وان طائفتان من المؤمنين اقتتلوا فاصلحوا بينهما. كده المفروض تفهم ان فكرة ان طائفتين من المؤمنين يقتتلوا دي قليلة ولا كتير طب لو نزرت للواقع تلاقيها ايه كتير طب ايه المعنى هنا وهو ده المعنى اللي عاوزين احنا اتكلمنا عن عشان نفهم المعنى ده -

00:30:22

المعنى هنا انه ما ينبغي يا اهل الايمان ان تكون الحالة هكذا يبقى هنا عشان تنبهنا على الحالة اللي المفروض نكون عليها ان يكون الشناق بين المؤمنين ده اقل ما يمكن -

00:30:39

هنسخدم له حرف ان فهمتوا لان الايمان يدعونا الى نبذ هذه الفرقه ليدعونا لان انما المؤمنون ايه اللي هي اللي بعديها على طول اخوه فازاي؟ ازاي ده يحصل ازاي نقول واذا طائفتان؟ ازاي -

00:31:18

وان طائفتان عشان كده قبليهما بكم اية ان جاءكم فاسق بنباً فتبينوا ولا ايه ده مع اني ما اكتر الفساق اللي بيأتوا بالانباء ربنا ما قلش اذا جاءكم قال ان جاءكم فاسق -

00:31:33

برضو على نفس المعنى انه ايه انه ما ينبغي ابدا ان يكون الفساق اللي بييجوا بالانباء كتير طب ازاي نعملها دي اللي ما نسمع لهمش هو ايه اللي يخلی الفاسق يتجرأ -

00:31:48

ويتجروا فاسق تاني فيقلده وفاسق تالت فيقلده. ويجي يعمل اشعارات بين المؤمنين انه لقى ايه لقى اللي يسمع ولقى اللي يصدق ولقى اللي بيبني احكام على هذه الاقوال فكثرة الفساق اللي بيقولوا اخبار كاذبة -

00:32:07

مع ان الاصل ان جاءكم فاسق بنباً. المفروض ده ما يكونش كده فهمتم ده طائفتين من المؤمنين اقتتلوا فاصلحوا بينهما طائفتان ما قالش فتن ما قالش فرقتان. الطائفة دي اقل عدد ممكن. الطائفة اقل من الفرقه -

00:32:25

حد يعرف يجيب دليل ان الطائفة اقل من الفرقه احسنت ولو لا نفر من كل فرقه منهم طائفة يتفقهوا في الدين. مين اللي هيتفقهوا

الطائفة مش كده غلط الطائفة دي اللي هتنفر -

ومين اللي هيتفقه اللي ما نفرض حد فاهم حاجة فلولا نفر من كل فرقه منهم طائفة طائفة هتنفر هتروج تحارب اللي قاعدين دول بقى قاعدين ايه طرزات قاعدين على الفيسبوك يعني طائفة بتحارب في غزة -

00:32:55

طب اللي ما نفرض قاعد بيعمل ايه فهمتوا فلولا نفر من كل فرقه منهم طائفة عشان اللي ما نفرض ده ليتفقهوا في الدين طب ليه يتفقهوا عشان هتحصل ملمات الناس اللي بتقاتل مش فاضية تقدر تتفقه وتتعمق في الدين -

00:33:13

فلما يرجعوا ينذروا قومهم اذا رجعوا اليهم تعالوا بقى احنا اتعلمنا الدين تعالوا لنا بقى هنعلمكم الدين احنا بنعمل ايه بقى هو احنا ما نفرناش فالمفروض نكون فين؟ في الدين -

00:33:33

بنتعلم دين وان طائفتان من المؤمنين اقتتلوا اي عدد صغير فاصلحوا بينهم. يعني حضرتك ماشي لقيت ناس هتبتدى خناقة في الشارع تقدر تفض الخناقة. ادخل فض الخناقة خلاص؟ طبعا الكلام ده يحتاج حكمة ومحاج عقل وتوفيق من الله عز وجل او لا

واخرا -

عشان انت ممكن تدخل ادبح في الخناقة. لأ محتاجين ايه يعني ادخل بس بحكمة وعقل وتبقى فاهم اللي داخل تكلمه ده هتكلمه كل واحد له طريقة كلام كل واحد عشان تعرف تستوعبه -

00:34:10

الواحد يستوعب بطريقة وواحد يستوعب بطريقة تانية كل واحد من اخواننا بتوع التبليغ وبعدين التمرین طبعا عندهم ايه يعني حب كده تحسوا حب حقيقي يعني لايه ان الناس تبقى متدينة وتدخل في يعني عكس الفرضانية تماما بقى يعني اللي احنا -

00:34:24

وبعدين بقى ومن كتر بقى ممارسة هذا تلاقي برضه عندهم شوية ايه غير التوفيق عندهم حكمة يعني تعاملوا مع كل فئات الایه الناس القديمة فيهم واحد بيحكي لي بيقول ان ايه آآ قاعد عمال يتحايل على واحد -

00:34:44

تعالى نصلي ما بصليش بناء التبليغ ده معدى بس كده فهو خلاص قاري للبشر يعني قال له سيبك منه ده ابني وراح شتمه هو برضو ايه يعني يعني بيبقوا محتاجين شوية كده ايه يعني آآ -

00:34:58

تهذيب واصلاح قال له ده ابني مش عارف ايه كافر طبعا سيبك هو بتوع التوفيق برضو يعني العلم محتاجين شوية علم وضبط وكمده. لكن هو تلاقي بقى الاخلاص برضو بيعمل شغل معهم - 00:35:12

فراح الراجل المصري قال له طب والله لاروح اصلی وراح قايم داخل الحكاية دي حكها لي واحد هو اللي في الموقف يعني قال له طب والله لانا مصلی. وقام دخل المسجد ايه - 00:35:24

عشان يصلي. فهو كل واحد ايه المفروض يخاطب بطريقة كده الشیخ اسامه عبد العظیم على الموضوع ده لما جزار هو الشیخ اسامه رحمه الله في حته بقى شعيبة هو معزز الشیخ هنالک يعني حاجة برضو يعني حاجة فخمة يعني. يعني الكلمة تتسمع - 00:35:35
الجزار بيتخانق وبيسب الدين ورافع السکينة وبتاع اسامه معدی وده بيقول ايه هطلع وايه بيسب الدين قال له قدها والدود يا معلم. ما بيتخانقش مع الشیخ اسامه يعني هو بيتكلم - 00:35:54

وداها وقدود يا معلم واحد منا طبعا غلباً انت بتعمل ايه؟ انت السکينة تنزل على دماغه وخلاص تعال بس اقعد واهدى وبتاع. قعد الجزار ده والمهدى قال له بس هنسب الدين وبتاع الراجل استغفر وتاب خلاص - 00:36:04

فمحتاجة شوية حكمة يعني شاهد وان طائفتان من المؤمنين اقتتلوا فاصلحوا بينهما فان بعث احدهما على الاخر المقاتل التي تبغي حتى تفيء الى امر الله بقى احنا عندنا دلوقتي يا جماعة - 00:36:18

قضية كبيرة هي قضية ان احنا المجتمع له حق علينا فيبقي دلوقتي بنقول ايه في البيوت نفسها يعني تلاقي ممكن اخ ما بيكلمش اخته بقى له قد ايه سنين - 00:36:38

ما بيكلمواش بعض الاب باشا الام هانم ما فيش طب مين هيصالح بين اللاتنين؟ ما فيش ما فيش للفردانية كل واحد في العالم بتاعه يا جماعة انا عائز اقول لكم عشان برضو في بقى اطباء نفسيين قاعدين ولا احد هيسمعني ولا كده - 00:36:53

احنا طبعا الفردانية دي داخلة متغللة في العلوم الحديثة كلها انا عاوز اقول لكم يعني يعني احنا عندنا فلسفة كبيرة اسمها الفردانية. داخلة في كل علم احنا ممكن ندخل فيه ونطلع منه. فين الفردانية هنا؟ وفين الفردانية هنا؟ زي ما قلت لكم من شوية الايه؟ وال حاجات دي - 00:37:15

هي كلها دلوقتي متمحورة حوالين ايه؟ الذات بالزات حق زاتك امشي ورا شغفك مش ايه يا عم في طب ما في مجتمع طب ما في حقوق اخرين في علم النفس الاطباء النفسيين للاسف - 00:37:30

وبيفتكرنا ان ده علاج وهذا النوع بيأتي بعقوبة ويدخل نارا وده بيجي لنا كوارث منه الشاب يروح للطبيب النفسي او البنت تروح للطبيب النفسي آيا رب جواه ايه؟ ان بابا غلطان وماما غلطانة - 00:37:47

اصل هم بيعاملوك وحش فانت طلعت اه معقد نفسيا. حتى لو ده صحيح انا ما بناقش صحة المسألة من عدمها. انا بناقش فكرة ان بقى الشخص المريض اللي قاعد هو - 00:38:04

شاف نفسه دلوقتي المفروض انا الناس اللي تغير عشاني الاسلوب ده بيعمل ايه بقى بيخرج المريض ده من من العيادة ناقم على الاب وناقم على الام حالات كده جالنا حالات وصلت ان هم كانوا بيضرروا - 00:38:17

ممکن الولد يضرب ابوه ممكن البنت تزق امها انا بتتكلم في فئة ناس متدينة والعلاج مش كده خالص هو العلاج كان ممكن يكون العكس تماما اللي هو ايه ان احنا نقوي نفسية هذا الشخص انه يتعامل مع التحديات دي - 00:38:34

يعني الاب بيفكر ازاي بيغير طب ازاي نكتب آيا الوالد انا هنا دلوقتي انت واخددين بالكم يا جماعة الفرق بين ده وده انا هنا ما خلتكمش انت المحور بتاع الكون - 00:38:56

ومفترض بابا بيغير نفسه طب انت طالع من العيادة طبعا ابوك مش هيغير نفسه يعني مش هيغير نفسه. هتروج البيت انت عامل ايه بقى انا المظلوم وانا اللي المفروض الناس كلها تتغير عشان خاطري - 00:39:07

خلص كاره ابوك وكاره امك والدنيا خربانة وكان ممكن بقى فيه نمط علاج تاني خالص ما تيجي نشوف الاب اتعامل كده ليه؟ طب ازاي ندخل له؟ طب ايه مداخله؟ طب لو اتعاملنا معه بالطريقة الفلانية نكتبه؟ طب - 00:39:19

انا هنا بانقل تفكيرك خالص من ان انت المحور بتاع الكون ان لا الكون ده فيه غيرك وفي اشخاص لهم حقوق وانت عليك واجبات
البيت دلوقتي مفكك زي ما بقول لكم ايه طائفين من المؤمنين اقتتلوا فاصلحوا بينهم. فين الاصلاح؟ ما فيش اصلاح - 00:39:34

كل واحد عايش لنفسه عشان كده قلنا الاية دي مش بس للحكام ولا لولياء الامر حتى لاحاد المؤمنين الاصلاح بينهم فان بعثت
احداها على الاخرى مقاتلته التي تبغي بصوا يا جماعة حقوق المجتمع ازاى بتترقى معنا - 00:39:54

يعني هنصلح ما نصلحوش او فئة يعني بعثت هنقاتل الباغية ده ايه ده عكس الفردانية تماما في الحياة الاجتماعية هنقاتل الباغية
حتى تفيء الى امر الله حتى ترجع الى امر الله - 00:40:16

فان فائت فاصلحوا بينهم بالعدل. اشمعنى جت هنا بالعدل يعني في الاول وان طائفتان من المؤمنين اقتتلوا فاصلحوا بينهم الاول
وان طائفتين من المؤمنين اقتتلا فاصلحوا بينهم كده ولا ايه - 00:40:39

الاية ايه احنا بنحاول طبعا ايه يعني نضرب في كده لغة شوية شوية وان طائفتين من المؤمنين اقتتلا واصلحوا بينهم قتلوه
واصلحوا بينهم طب اشمعنى دي على الجمع ودي على الثنوية - 00:40:53

ده اول سؤال وان طائفتين مؤمنين اقتتلوا واصلحوا بينهم طب ليه اقتتلوا بالجمع واصلحوا بينهم على الثنوية قالوا ان وقت
الاقتتال كل رجل رأس يعني ايه يعني واحدنا والناس بتتخانق - 00:41:14

بتلاقي ايه؟ كل واحد دماغ لوحده كده فكرة ان ان في كتير واضح لما نيجي نصلح قال لو عشرة بيتحانقو مع عشرة بنجيب
العشرين على على الترابيبة ونقدر ولا بنعمل ايه - 00:41:34

يبقى فيه راس لدول وراس لدول وتعالوا اقعدوا ومش عارف ايه. والرأي اللي هنتفق عليه هيمشي على الايه على الكل. هنا فكرة ان
الطائفتين بقوا متميزتين وكل طائفة لها رأس وكاهم كتلة واحدة كده - 00:41:48

وفي الاقتتال قال اقتتلوا في الاصلاح قال اصلحوا بينهم فهمتوا دي فان بعثت احداها على الاخرى فقاتلوا التي تبغي حتى تفيء الى
امر الله روحوا قاتلوا لغاية ما تفique. طب لما تفوق لما تفيء الى امر الله - 00:42:01

فان فائت فاصلحوا بينهم بالعدل اشمعنى هنا جت العدل بقى اول حاجة وده وده معنى مهم جدا يا جماعة. لأن للأسف احنا بنقع فيه
التحيز ده بنقع فيه تعالوا كده نتخيل المشهد ده - 00:42:21

حضرتك رايح تصلح بين اتنين او بين فئتين او اي حاجة انت مش هنقول بقى يعني دولة ولا بتاع انت عشان تستشعر المعنى اللي انا
بقوله لك دلوقتي ده لو انت بتعمل ده - 00:42:37

انت رايح دلوقتي ايه آآ مายيل لحد على حد انت رايح تعالوا يا جماعة اقعدوا بس استهدوا بالله وبتاع ومش عارف ايه. خلاص واحد
جه واحد قال لك ايه آآ - 00:42:50

ماشي وكترت لك ويلا بنا راح الثاني قليل ادبه وداخل شايطط فيها الحكم الشرعي بيقول لك ايه كن مع الايه من من استجابة للصلح
على من بغي مبتدفين دلوقتي بقية طرف في الايه - 00:43:01

طرف في المشكلة خلاص فرحت ايه داخل مع ده على ده لغاية ما ده قال لك خلاص انا هقدر معكم دلوقتي انت نفسك مایلة لفين
انت كأني دلوقتي الموضوع ما بقاش ايه؟ اتنين ما اعرفهمش. ولا طائفتين او شخصين على مسافة واحدة - 00:43:18

لأ ده في وقت من الاوقات آآ انا كنت كان واحد بيساعدني على واحد او انا بساعد واحد على واحد. المفروض انا هقدر دلوقتي اعمل
ايه بقى فاصلح بينهما ما هو فاء خلاص. ده حكم الشرع. ها اصلح بينهم - 00:43:41

واضح جدا ان هنا ممكن يكون مายيل للقلب ناحية مين اللي هو جاء اولا ده مش كده فربنا سبحانه وتعالى قال ايه؟ اصلحوا بينهم
بالعدل يعني اوعوا يحصل التحيز ده - 00:43:55

للأسف ده بيحصل انك تتحيز لاي شيء جامع بينك وبين احد الايه الخصوم هذا غير مطلوب ولذلك في ادب القاضي في ادب كتير
مذكورة في الحنة دي ازاى يقدر الخصميين قصص في الحنة دي عشان ما يبانش ان في ايه ميل لاحد الخصميين بيتدى الثاني يصيبه
بقى توتر ولا خلاص يپأس من القضية ولا - 00:44:09

في ادب للقاضي ممکن تقعدوا بقى ايه تستمتعوا وانتم بتقروها كده واصلحوها بينهما بالعدل وفي معاني تانية قيلت لكن تدخل في احكام فقهية مش وقتها دلوقتني واصلحوها بينه بالعدل واقسطوا ان الله يحب المقصطين - 00:44:36

يبقى يا جماعة الانسان القاصل ده ربنا يحبه ولا أبى يحبه مش كده حد له رأى تاني ولا ايه القاصل يروح جهنم وبئس المصير ان شاء الله واما القاسطون فكانوا لجهنم حطبا - 00:44:53

مين هنا قاصل القاصل اللي هو الجائز الظالم المقطوع هو الانسان العادل ايه الفرق بينهم ده من فعل ثلاثة ده من فعل رباعي خلاص يبقى قسط يعني ظلم ودار يبقى الفاعل بتاعها ايه؟ قاصل - 00:45:10

فعل فاعل المفروض يعني سهلة دي مش كده فعلى اسم الفاعل فاعل واما القاسطون فكانوا لجهنم حطبا الظالمون الجائزون ابسط يعني ما زال القصد. القصد اللي هو الظلم والقسط العدل - 00:45:34

يبقى القسط بكسر القاف العدل. اذا جاء القسط ذهب القصد حد فاهم اللي انا بقوله ده طيب يبقى القصد الظلم القسط العدل يبقى القاصل القسط والمقطوع قسط خلاص والهمزة دي اللي هي اقصد قالوا ايه؟ همز السلب - 00:45:53

يعني اقسط يعني ما زال القصد يعني كان فيه ظلم هو شاله اتمنى يكون مفهوم. يبقى المهم نرجع بقى تاني قال ايه اصلحوا بينهم بالعدل واقسطوا ان الله يحب المقصطين - 00:46:18

شاييفن هنا يا جماعة الفردانية بتظاهر ازاي اهو يعني انا ليه هقدر وهاووج دماغي وهاصلاح اصل ان الله يحب المقصطين تستاهل تتبع عشانها دي ولا ما تستاهلش يستاهل انما المؤمنون اخوة - 00:46:32

واصلحوا بين اخويكم الله بصوا يا جماعة هنا برضو في مسألة لغوية ومهمة جداً نعرفها الاخوة او الاخوة ممکن تكون اخوة نسب ممکن تكون اخوة صدقة يا تقول ايه ده فلان ده اخويها! هو مش اخوك ولا هو صاحبك يعني عاوز تقول ايه صاحبي جداً يعني. فتقول ده فلان ده اخويها مش كده - 00:46:49

قوة النسب اللي هو اخوك ابن امك وابوك بيسموها ايه الاخوات دول يسموهم ايه؟ اخوة سموها اخوة وقوة الصدقة يسموها ايه اخوان لا يعني هم دول اخوة فلان وفلان اخوة - 00:47:14

ماشي لو هم اللاتين اخوتهم اخوة صدقة يسموها ايه؟ يسمونهم اخوانا ولفظ اخوان ده هو اللي جه في القرآن اصلاً مش كده؟ قولوا يلا اخوانا على سرر المتقابلين ما قلش اخوة على سرر المتقابلين - 00:47:31

هل اخوانا مش كده ايه تاني ها اه فاصبحتم بنعمته اخوانا ما قالش اخوة مش كده؟ جت في السنة ها وكونوا عباد الله اخوانا مش اخوة لأن ما احنا مش مش كلنا اخوات لاب وام يعني مش مش كده. الاية دي - 00:47:48

ما قالش ربنا سبحانه وتعالى انما المؤمنون اخوانا ما قلش كده قال انما المؤمنون اخوة ان الموطن ده احنا عاززين نبين فيه شدة الاخوة بين المؤمنين. احنا يا جماعة بنتكلم على ايه؟ انا قلت لكم الصورة البسيطة اللي احنا ممکن احدى الناس تتدخل فيها اللي هو ايه؟ ماشي في الشارع - 00:48:16

لقيت اتنين بيتحانقو اربعة بيتحانقو فابتديت تحوش بينهم. واحد قل ادبه ابتديت ايه تزجره وتزعق له وانت آلم نفسك ويالله نقدر نتصالح وكده. يبقى انما المؤمنون اخوة هنا يا جماعة احنا ممکن تكون بنتكلم عن جيشين - 00:48:34

بيحاربوا بعض وعاوزين يا جماعة اقعدوا اتصالحوا. يا جماعة استهدروا بالله ما فيش. راح جيش تالت دخل في القضية علشان يقف مع الجيش المظلوم ضد الجيش الظالم. وبعددين جه الجيش الظالم يقول خلاص يلا نقدر نتصالح. قصص خسارة في الاموال والانفس. قصة - 00:48:49

قصة كبيرة انا ايه اللي يدخلني في ده؟ انا كدولة ايه اللي يدخلني في الكعبه دي حد فاهم اه لا تدخل ليه؟ انما المؤمنون اخوة وهنا ما فيش رفاهية انك ما تدخلش - 00:49:06

ليه؟ لأن ده امر من الله عز وجل انما المؤمنون اخوة فاصلحوا بين اخويكم كفاكم فردانية انا عايش لنفسي. انا عايش لدولتي. انا عايش لحدودي. ما فيش الكلام ده. انما المؤمنون اخوة - 00:49:25

اينما كانوا بقى اخوة المؤمن اللي برة دولتك له حق عليك، ليه ؟ انما المؤمنون اخوة. وبعدين يا جماعة الاية ما جتنش المؤمنون اخوة
انما انما دي تفید الایه الحصر - 00:49:44

انما يعني الاخوة هي اخوة الایمان لا غير ولذلك يا جماعة في بعض المسائل الفقهية حتى الشرع لم يعتبر اخوة المؤمن والكافر
يعني واحد مسلم واحد كافر. اخوات الاثنين ولاد اب واحد اهم - 00:49:58

اخوات مات المسلم يرثه الكافر لا يرثه بارت الكافر المسلم وازاي الشرع اهدر تلك الرابطة وفلوشه تروح للمسلمين هم اولى به انما
المؤمنون اخوة لهم واجب عليكم حتى لو فيه بقى تجهيز جيوش. حتى لو فيه آخسارة في اموال ولا في انفس ولا ولا تضيق في
الاحوال انما المؤمنون اخوة فاصلحوا بين اخويكم - 00:50:14

واتقوا الله لعلكم ترحمون وبعدين يا ايها الذي احنا كده الوقت قد ايه ثلاثة وخمسين يا ايها الذين امنوا لا يسخر قوم من قوم عسى
ان يكونوا خيرا منهم. ولا نساء من نساء عسى ان يكن خيرا منهم - 00:50:49

اتنقلنا لقضية تانية خالص بقى وهي ما يكون بين الناس يعني مش بقى في قتال ولا دي مقدمات ممكنتؤدي الى القتال اول حاجة لا
يسخر قوم من قوم ولا نساء من نساء - 00:51:15

ال القوم هم جماعة الرجال يا جماعة. القوم جماعة الرجال ليه اتسموا قوم من القوامة من القوامة. ليه؟ لأن الرجل هو من يقوم على
سئون الحياة فاتسموا قوم عشان كده يبقى الرجل مش اللي هو اللي قاعد طرزان في البيت والست هي اللي تنزل تشتفل وتصرف.
ما فيش كده. دي مش رجولة - 00:51:30

والنساء اتسموا من النسوة بفتح النون والنسوة في اللغة يعني الترك ده في اللغة الترك. يعني ايه الترك؟ يعني الست في بيتها يعني
الشارع مش بتاعها والاشغال مش قضيتها الست في بيتها والراجل اللي يأتيها بالايده ؟ يشقى ويتعجب ويهلل - 00:51:52

والست فين في بيتها فلا يخرجنكم من الجنة فتشقى. الاية جت كده الكلام من الاول لمين ومين ادم وحواء ادم وزوجه مش كده فلا
يخرجنكم من الجنة فتشقى مين اللي هيشقى - 00:52:16

ادم ومال حوا فين البيت انت اللي هتشقى لو خرجمت من الجنة هتشقى. ليه؟ عشان توفر الحياة الكريمة فانت اللي هتشقى لا يسخر
قوم من قوم عسى ان يكونوا خيرا منهم - 00:52:37

ولا نساء من نساء عسى ان يكن خيرا منهن النساء شقائق الرجال وكثير من الاحكام الشرعية يخاطب الله عز وجل فيها الرجال
والنساء تدخل تبعا ده كتير جدا معظم احكام الشرع كده اصلا - 00:52:55

الخطاب موجه للمؤمنين يا ايها الذين امنوا خلاص الخطاب موجه للمؤمنين فتلacci الخطاب ده الموجه للمؤمنين النساء يوجه لهم
الخطاب تبعا للمؤمنين في بعض المسائل تلacci الموضوع مش كده ابتلاء الله عز وجل بعد ان يخاطب المؤمنين - 00:53:10
يفرض خطابا للنساء زي ايه خدناه قبل كده هنا غض البصر في سورة النور مش كده كل المؤمنين هيغضوا كت كفاية قوي ان يدخل
فيها النساء. طبعا زي بقية احكام الشرع - 00:53:27

لأ وقل للمؤمنات يغضضن من ابصارهن الخطاب لوحدهم هنا برضو هنلacci ده لا يسخر قوم من قوم عسى ان يكونوا خيرا منهم ولا
نساء من نساء عسى ان يكن خيرا منهم. ليه - 00:53:42

قالوا لان هذا يكثر في في النساء فكرة السخرية من الغير الانتقاد من الغير يكثر في النساء فلذلك وجه لهم خطاب خاص في هذه
المسألة وطبعا واضح ان الاصل ان الرجل هيسخر من رجل والمرأة تسخر من ايه - 00:53:56

من مرأة يعني غالب الموضوع يا جماعة في الغالب ان ما يكون من تحاسد وتباغض ومناوشات يحصل بين مين اللي شبه بعض مش
كده؟ يقول لك ما حسدك الا ايه - 00:54:15

لأ عاززين الناس تبقى فرفشة مش عارفين الامصال حتى ما حسدك الا ابن كارك انت عارفين ده ولا ايه اه يعني تلacci ايه لعيب
الكرة يحسد لعيب الكرة اللي زيه - 00:54:35

عبدالرحمن هنا ولا ما جاش المهندس يحسد المهندس اللي شبهه اي حد يعني ايه ما حسدك الا ابن قارك او الغالب كده يعني الغالب

كده هتلاقى القوم يسخروا من قوم والنساء تسرخ من النساء - 00:54:48

طب ايه الدافع بقى اهو احنا هنا بنحارب ظاهرة من ظواهر الفردانية في المجتمع ما بلاش تترىق على غيرك عشان تعلي من قدر نفسك يعني هيبيقي الدفع بتاعك الفردانية طب حفزناك على ده بايه - 00:55:07

الفردانية لا يسخر قوم من قوم عسى ان يكونوا خيرا منهم. عارفين يعني ايه في بعض التفاسير وده اللي انا عايزين نقف عليه. عسى ان يكونوا خيرا منهم يعني لو عملتوا كده هيبيقوا احسن منكم - 00:55:27

ليه عشان هياخدوا من حسناتكم وهيبيقي انتم اللي اللي بتأتوا خلقا قبيحا ما ينبغي ان يكون في اهل الایمان يبيقوا في الاخر احسن منكم بقى احنا اهو بنحارب الفردانية بالفردانية - 00:55:41

بتقول ازاي يا شيخ يعني ازاي احارب حاجة افتكر على طول مسالي الایه الكاميرا اللي متعلقة على طول واضحة ولا نساء من نساء عسى ان يكن خيرا منها. ولا تلمزوا انفسكم - 00:56:01

يا جماعة والله يعني الایات دي جميلة جدا جدا ولا تلمزوا انفسكم يعني مش ولا تلميذوا غيركم ولا تلمزوا انفسكم اول معنى هو المعنى الراقي بقى اللي هو اللي احنا بنتكلم عليه من ان ان كان المؤمنين كلهم - 00:56:17

نفس واحدة فانا لما المزك تلميذ يعني آآآ اقول عليك وناديك بلقب ما بتحبوش اعمل فكأني لمست بعضا مني ولا تلمزوا انفسكم في بعد كده جمال مردنية ايه بقى ؟ ده خلاص الامة ذات - 00:56:38

بعضها في بعض خلاص كمثل الجسد الواحد اذا اشتكت منه عضو تداعى له سائر الاعضاء بالسهر والحمى احنا حاجة واحدة. حاجة واحدة ولا تلمزوا انفسكم بقى ده اول معنى او - 00:57:01

يعني ولا تضعوا انفسكم موضعا لمز فتلزمون حد فاهم حاجة يعني ايه لا تلمزوا انفسكم يعني ما تروحش تحط نفسك في موضع تلزم فيه فتلزم فتكون بذلك انت من لمست نفسك - 00:57:18

اتفهمت بقى ده تلميذ انفسكم زي ايه كده الحديث اللي كلنا حافظينه اللي هو لعن الله ايه ؟ الرجل يسب اباه ويسب امه طبعا الصحابة مش متخييل يسب الرجل اباه وامه بييجوا يشوفوا بقى - 00:57:37

دلوقتي اه انا يا شيخ شتمني. يا شيخ اقول له طب ما هزقتوش لو هزقتنه هيضربني الاب الاب بيتكلم فايه باؤثر السلامة الصحابة مش متخيلا حد هييشتم ابوه وامه قال يسب ابا الرجل فيسب اباه - 00:57:51

ويسب امه فيسب امه فكذلك هنا لا تلمزوا انفسكم يعني ما تحطش نفسك في موطن شبهة. في موطن تهمة وبعددين لما بيجي الناس بقى تتكلم عليك تقول شفت سوء الظن! طب ما انت لو حاطط نفسك هنا - 00:58:10

انت ليه هنا اصلا؟ انت ليه هنا انت ليه على البلاج في شهر سبعة في الحنة اللي كلها آآزي ما انت ليه هنا انت بتعمل ايه هنا وبعددين اذا اساء احدهم الطنب بك تقول لا شفت اساءة الظن يعني طب وانت اللي هنا انت بتعمل ايه - 00:58:25

لا تضع نفسك موضع ريبة الشباب الصغير اللي آآ المؤثرون على السوشیال ميديا وبعددين شوية شوية اتجرواوا تعاملات مع الستات والبنات شوية شوية نلاقيهم عاملين دورات للبناویت الحلوبن ويروح يقف قدامهم. وطبعا ايه - 00:58:47

استايل بقى مش هيروح عادي كده حكيت لكم على واحد صاحبي ضربني وانا في الجامعة وهو مش ما كنش في جامعتنا. يعني انا كنت هندسة عين شمس. هو كان كلية مشاكل كان كلية ايه - 00:59:07

وبعددين هو كان يحب الدعوة قوي بقى وايه نشيط كده ويحب يقف يتنطط ويعمل واحنا مسجدنا مسجد الكلية عندنا. الباب زي كده. يعني اللي واقف في القبلة بقى باب المسجد ورا يعني - 00:59:19

وباب النساء في الجانب كده هو بيحكى لي بقى جاي بيقول لي ايه بيقول لي جيت عندكم الجامعة على فكرة بس ما شفتكش. قلت له طب جميل قال لي وقفت بقى اديت كلمة عن الاخلاص بعد صلاة الظهر وبعددين لقيت البنات واقفة سخنت بقى - 00:59:31

طب انتم بتتكلموا على الاخلاص؟ شفت البنات شاكر بقى وقعد بيتكلم بقى ايه خلاص بقى يعني ايه نشط يعني طب انت ليه حاطط نفسك موطن شبهة طب وبعددين عرفت بقى ان ممكن يحصل حاجات وتعلق من بعض البنات حتى لو انت قلبك ما بيتحرکش -

وبعدين مراسلات على الخاص وبعدين مش وبعدين تقول للناس بتسييء الظن بي طب انت ايه؟ انت بتعمل ايه وبعدين ايه الدورة اللي سعادتك يعني ايه اهمية دورة سعادتك يعني ملش يعني مع احترامي يعني لا ي حد. ايه اهمية دورة سعادتك يعني اللي هو البنات - 01:00:04

تدخل النار من غير دورتك يعني ايه اهميتها يعني ملش يعني هاتوا لي سعادتك في الدورة دي مهم اعرف والله بجد. هتقول ايه يعني؟ ايه اللي هتقوله ما اتقالش في الدين يعني بقى لنا الف وربعية سنة - 01:00:23

وبقى لنا كم سنة شرایط متسجلة ومرفوعة على النت. وفيديوهات وكل حاجة موجودة ايه اللي سعادتك جاي تقوله جديد يستدعي كل اللي انت عامله ده لا تلمزوا انفسكم. ما تحطش نفسك موطن تهمة. وترجع تقول للناس بتسييء الزن. النبي سيدنا النبي عليه الصلاة والسلام - 01:00:41

لما قام يوما يرجع صفيه وبالليل فالدنيا مش باين بقى مين رايح فين جاي منين اتنين من الصحابة شافوا ايه النبي ماشي مع واحدة صلي الله عليه وسلم مدوا شوية - 01:01:05

قال على رسلكما انها صفيه لا الله الا الله. النبي سيدنا النبي عليه الصلاة والسلام على رسلكم اهدوا انها صفيه. فقالوا سبحان الله يا رسول الله. يعني ان نظن بك السوء - 01:01:16

مستحيل نظن بك السوء. شف النبي يا جماعة ما يحطش نفسه موطن موطن تهمة ابدا على رسلكما انها صفيه دي مراتي يبقى لا تلبسوا انفسكم ما تحطوش نفسكم موطن التهمة موطن الشبهة. وبعدين تزعل ان الناس بتسييء الظن بك - 01:01:28

خلي بالك خلي بالكوا يا شباب هنا مش بنقول بقى روحوا يلا سيئوا الظن بالناس مش بنقول كده برضو يعني الخطاب الموجه لك انت ما تحوش نفسك في موطن الشبهة - 01:01:48

ولك انت برضو ما تسيئ زن بغيرك من ظاهره الصلاح والتقوى ما تسيئ الظن به ما لناش دعوة بحد. احنا لنا دعوة بانفسنا. كل كل الخطابات دي لنا احنا مش لغيرنا - 01:01:56

ولا تلبزوا انفسكم ولا تتابزوا بالألقاب بئس الاسم الفسوق بعد اليمان. احنا كده ايه طيب نقف هنا المرة الجاية ان شاء الله. اقول قولي هذا واستغفر الله العظيم لي ولكم. سبحانك الله وبحمدك. نشهد ان لا الله الا انت - 01:02:08
نستغفرلك ونتوب اليك - 01:02:25